

亥 2
31-14

韓園醫學方種

增補傷寒類方(四)



六經脈證

欲讀傷寒論。必先識六經之本證。然後

論中所稱太陽陽明等病。其源流變態。

形色脈象。當一一備記。了然於心。然後

其症之分。併疑似。及用藥加減異同之

故。可以曉然。不致眩惑貽誤。故備錄於



左。

太陽病。脈浮。頭項強痛。而惡寒。

尺寸俱浮者。太陽受病也。其脈上連風。

府。故頭項痛。腰脊強。

發熱汗出。惡風。脈緩者。名曰中風。

惡寒。體痛。嘔逆。脈陰陽俱緊者。名曰傷。



寒。

發熱惡寒者。發於陽也。無熱惡寒者。發

於陰也。發於陽者。七日愈。發於陰者。六

日愈。以陽數七。陰數六也。

陽明中風。口苦咽乾。腹滿微喘。發熱惡

寒。脈浮而緊。

惡寒未離
太陽也。

陽明病。若能食。名中風。不能食。名中寒。
尺寸俱長者。陽明受病也。其脈俠鼻絡。
於目。故身熱。目疼。鼻乾。不得臥。

陽明外證。身熱。汗自出。不惡寒。反惡熱。
也。

陽明脈大。

以上皆陽
明之經病



北京中醫藥大學圖書館藏
1984
gbook.com

有太陽陽明有正陽陽明有少陽陽明

太陽陽明者脾約是也

少陽陽明者發汗利小便已胃中燥煩

實大便難是也

陽明之爲病胃家實也

此乃正陽陽明

陽明居中土也萬物所歸無所復傳始

雖惡寒。二日自止。此爲陽明病也。

少陽之爲病。口苦。舌乾。目眩也。

尺寸俱弦者。少陽受病也。其脈循脇絡。

於耳。故胸脇痛而耳聾。

少陽中風。兩耳無所聞。目赤。胸中滿而。

煩者。不可吐下。吐下則悸而驚。



傷寒脈弦細頭痛發熱者屬少陽。

三陽合病脈浮大上關上但欲眠睡目

合則汗

內熱已極

傷寒六七日無大熱

外熱輕則內熱重

其人煩

躁者此為陽去入陰也

傷寒三日三陽為盡三陰當受邪其人

反能食而不嘔。此爲三陰不受邪也。

太陰之爲病。腹滿而吐。食不下。自利。

甚時腹自痛。

尺寸俱沈細者。太陰受病也。其脈布胃。

中絡於噤。故腹滿而噤乾。

傷寒脈浮而緩。手足自溫者。繫在太陰。

自利不渴者屬太陰以藏有寒故也當

溫之宜服四逆輩

少陰自利而渴寒在下焦也此自利不渴

寒在中

焦也

少陰之爲病脈微細但欲寐也

衛氣行於陽則

寤行於

陰則寐

少陰病欲吐不吐心煩但欲寐五六日

自利而渴者屬少陰。

尺寸俱沈者少陰受病也。以其脈貫

絡於肺。繫舌本。故口燥舌乾而渴。

厥陰之爲病。消渴。氣上撞心。心中疼熱。

饑而不欲食。食則吐蛔。下之利不止。

尺寸俱微緩者。厥陰受病也。以其脈循



陰器絡於肝故煩滿而囊縮

厥陰中風脈微浮爲欲愈不浮爲未愈

別症變症

附刺法

傷寒本症之外有別症有變症別症者

其病與傷寒相類而實非傷寒是也變

症者傷寒本不當有此症或因遷延時



日或因雜藥誤投其病變態百出是也
其症不備則必驚疑淆惑而無所措手
故備錄之庶不致臨症徬徨

藏結

冷結

除中

伏氣

晚發

瘧

溼

風溼

溼溫

溫毒

暍

陰毒

陽毒

溫病

熱病

兩感

風溫

溫疫

腳氣

多眠

狐惑

百合

藏厥

見烏梅丸條

尸厥

見刺法

藏結

藏結如結胸狀。飲食如故。時時下利。寸



脈浮關脈小細沈緊名曰藏結舌上

胎滑者難治

藏結無陽症其人反靜舌上胎滑者不

可攻也

病脇下有痞連在臍旁痛引少腹入陰

經者此名藏結死



藏結與胸結皆下後邪氣乘虛入裏所致。熱多與陽明相結爲結胸。寒多與陰陽相結爲藏結。故所現脈症皆爲陰象。上胎滑則上焦亦寒。全無陽象。故曰難治。曰不可攻。然猶有治法。至素有痞疾。則中氣已傷。連及臍旁少腹。并入陰經。則上下俱病。陰極陽竭。不死何待。

冷結

病者手足厥冷。言我不結胸。小腹滿。按

之痛者。此冷結在膀胱關元也。

除中

傷寒脈遲六七日。而反與黃芩湯。徹其熱。脈遲爲寒。今與黃芩湯。復除其熱。腹中應冷。當不能食。今反能食。此名除中。必死。

